



partii naleraq

Nuuk, 12. maj 2015

Per Rosing-Petersen

**UPA2015/135**

**Naalackersuisut Inatsisartullu qanoq ICC-p 2014-imi ataatsimeersuarnerani inaarutaasumik nalunaarusiaani Kitigaaryunnit Nalunaarummi anguniagassatut allattorsimasut anguneqarsinnaanissaannut qanoq suleqataasinnaanersut kiisalu issittumi inatsisartut naalackersuisullu allat suleqatigalugit issittumilu annerusumik suleqatigiilernissaq pillugu oqallisissiatut siunnersuut.**

(Inatsisartunut Ilaasortat Sara Olsvig aamma Mimi Karlsen, Inuit Ataqtigiit)

Inuit issittormiut Siunnersuisoqatigiiffiata Inuvimmi ataatsimeersuarnerani Partii Naleqqamiit peqataatinneqanngikkaluarluta, uumap siunnersuutip atuarneratigut paasisinnaalluarparput anguniakkatut aalajangiunneqarsimasut Partii Naleqqap anersaavanut sutigut tamatigut naapertuutilluinaqqissaartut.

Partii Naleqqamiit isumaqataagaaratta takinerusariaqanngikkaluarporluunniit, taamaattorli piffissaq iluatsillugu una eqqaarusupparput. Uku aalajangiussanut arlalitsigut naapertuuttumik Inatsisartuni arlaleriarluta aalajangersaasarnikuugatta. Partii Naleraq sinnerlugu oqaaseqartup ukiorpaalussuit matuma siornatigut Inatsisartuni marloriarluni siunnersuuteqarnikuuvoq soorlu aamma Inatsisartuni ilaasortat marluk, eqqaamasakka malillugit Inuit Ataqtigiinniit aammalu Siumumiit aamma siunertamut anguniakkanut naapertuussinnaasunik siunnersuuteqartarnikummata, aammalu eqqaamanerlunnikkukku aamma akuerineqartunik. Taamaattumik Partii Naleqqamiit tupiginngittoorsinnaanngilarput tamakku aalajangersakkat ulloq manna tikillugu timalersornissaanik suliniartoqarsimanngimmat, tassami taamaassimagaluarpata apeqqusiinissatsinnut tunngavissaqarsimanngikkaluaratta.

Partii Naleqqamiit eqqumiigilluinnarparput uku naggueqatinnguagut annertunerusumik suleqatiginnginnatsigit, illuatungaani Nunat Avannarliit Nunat Avannarliit Killiillu sorpassuartigut annertusiartuinnartumillu suleqatigisinnaagutsigit. Tamanna imminik ajornartoqanngissinnaasoq

eqqumiiginangitsuunnigilaq naggueqatigut piorsarsimassutsikkut qanilluinnaqqinnaakkagut (soorlu nunat avannarliit uagut kalaallit minilluta taamaattut).

Arlaleriarluni uani aalajangersaanermi tunngaviutinneqartut assinganik saaffiginnittaraluarpugut manna tikillugu iluatsippallaanngittumik. Taamaattumik Partii Naleqqamiit paatsoorneqarsinnaanngitsumik anguniarusupparput aalajangersakkat timitalersulernissaat. Tassami Nunat Avannarliit Nunallu Avannarliit Killiit taama ajornanngitsigisumik aalajangersaaqatigisinnaagutsigit sooq taava naggueqatitsinnut ajornassava? Soorlu killormuua tupinnarnerussagaluartoq. Piorsarsimassutsikkut immitsinnut qaneqaagut, piffissanngorporlu inuussutissarsiornikkut, politikkikkut, attaveqatigiinnikkut, il. il. timitalimmik suleqatigilerniartigit, tamatta assigiinngittunik misilittagaqarpugut immitsinnut iluaqutaasinnaasunik. Ilanngullugulu aamma angusariaqarparput sulisut killeqarfiit pitarlugit paarlaasseqatigiissinnaanngornissaat, soorlu nunat avannarliit taamaattut.

Ilanngullugu aamma Partii Naleqqamiit taalarpugut Inatsisartoqarnitsinni siulittaasoqarfik annertuupilussuarmik Danmarkimi Folketingimi siulittaasoqarfik naapillugu isumassarsiorfigisarpaat, misilittakkanillu paarlaasseqatigiiffigisarlugu. Tupinnassaqaq aamma naggueqatigullu assinganik taamaattassanngikkutta.

Ilami ajornartariaqarpaa? Partii Naleqqamik paatsoorneqarsinnaanngitsumik isumaqarpugut – NAAMIK!

Mannalu oqallinneq iluatsillugu ICC-mut tunngasut marlussuit uku Partii Naleqqamiit taarusuppagut. ICC naggueqatigullu pisariaqartipparput, tassami massakuugallartoq allamik attaveqanngiusakkatta, taamaattumik aningasaliissutit ikilisinneqarnerat naapertuuttutut isiginngilarput. Taamalu oqariarluta aamma ICC ingerlatsineranut atatillugu inussiarnersumik kaammattorusupparput kalaallinut sullissinerat ersarinnerulersittariaqarpaat. Eqqaaginnarsinnaavarput aalisartortatta piniartortattalu atugarisaat ullutsinni, piorsarsimassutsikkut, tassanilu oqaatsitta pisortani inissisimanerat, il. il.

Qujanaq.